

摘藻堂四庫全書薈要

集部

欽定四庫全書薈要

集部

御選元詩卷二

詳校官原任主事_臣李斯咏



欽定四庫全書薈要卷一萬八千四百十三

集部

御選元詩卷一

帝製

世祖

陟翫春山紀興



時膺韶景陟蘭峯不憚躋攀謁粹容花色映霞祥彩混
鑪煙拂霧瑞光重雨露瓊幹巖邊竹風襲琴聲嶺際松
淨刹玉毫瞻禮罷迴程仙駕馭蒼龍

文宗

自集慶路入正大統途中偶吟

穿了縞衫便著鞭一鉤殘月柳梢邊
二三點露滴如雨
六七箇星猶在天
犬吠竹籬人過語
雞鳴茅店客驚眠
須臾捧出扶桑日
七十二峰都在前

登金山

巍然塊石數枝松
盡日遊觀有客從
自是擎天真柱石
不同平地小山峰
東連舟楫西津渡
南望樓臺北固鐘

我欲倚欄吹鐵笛恐驚潭底久潛龍

青梅詩

自笑當年志氣豪手攀金杏弄金桃
溟南地僻無佳果問著青梅價也高

望九華

昔年曾見九華圖為問江南有也無
今日五溪橋上見畫師猶自欠工夫

順帝

贈吳王

金陵使者過江來
漠漠風煙一道開
王氣有時還自息
皇恩無處不周回
莫言率土皆王化
且喜江南有俊才
歸去丁寧屬付春風
先到鳳皇臺

四言詩

張養浩

有田 野人遂其閒也
弱冠出仕知命而歸爰
處于郊有琴書以自樂也

有田負郭伊邇匪遼我倦而歸於焉逍遙爰力于書且
勤于苗朝斯夕斯以詠以謠式結今好言報夙勞
山既我狎川亦余媚維禽維魚亦莫余畏

林則有風洞則有雲釀則有林饌則有芹樵則有柯釣
則有綸

維人至樂曰丘曰壑得而顓之何有人爵

彼爵與名豈不我榮其或舍旃允有未任允有未任且
以鼓琴

壽子 示引也四首

錄二首

於維我祖肇基青陽揮為弓正爰氏以張厥族孔殷奕
葉振芳周仲孝顯漢良智彰釋之平決博望遠揚折轅
有湛埋輪有綱吳憚昭直蜀賢飛剛五龍佐宋九齡輔
唐睢陽之節山斗與昂燕公之文江漢叵量元素遺直
志和真藏下迨五季全義循良天水之興齊賢慨慷垂
崖崛起西土是康橫渠道學于聖有光南軒繼之益熾
益昌天開皇元有公有卿凡吾之胄皆時之望

翳我王父更世多故服戎前茅艱險伊屢其周人急空
索弗顧垂百其齡可灼平素父年十八獨任家務于江
于淮是亂是遯以隱于賈以晦其著以儉其出以阜其
聚以開我人以篤我祜余時昉冠儒雅是慕維詩維書
靡旦靡暮其業未竟廼仕廼驚親實命之弗荷恒懼幸
無失墜以永終譽豈曰能官菽水攸助甫出五旬遂引
而去

回回

賈公祠

文肅有祠誰所構兮元祐為黨省無咎兮何人不沒名
則封兮邦有公思食必祝兮好是正直神汝祐兮繼其
時亨宜有後兮

虞集

味經堂詩

并序

國子祭酒魯公伯子翬父作味經堂自為記以勗
其子遠公嘗命遠從予遊故賦此詩

維昔元聖有子過庭學禮學詩詔之丁寧面牆之室繇
不知味親能使學不能使嗜觀於德容聽於德音詠歌
周旋實悅我心邈乎千載聖往言在舍而不求匪罔斯
殆畏友輩父窮經篤行既有諸躬思貽厥成既蓄既畚
俾稼之食既畋既漁俾鼎之實作堂高明曰子遠來吾
經在茲遠其味之始予虛羸匍匐來食茹草飲水以禦
朝夕窮人得歸自我父師俛焉斯文老至不知煌煌靈
芝如彼嘉玉薄言采之在彼中谷南陽之人來詹來言

金方口五合
卷一
君子豈弟宜其後昆

題宋誠甫侍郎垂綸亭

岷源建高駛無游舫漢會其委安流滔滔爰有君子垂
綸其下雖不得魚意甚閒暇援藟引楫至於中沱蔭樹
以休悠悠永歌逝波汙汙不轉維石樂茲忘憂矢言不
食烝然雲興風舉以高鶴翔中天遺景九臯木其落矣
魚亦潛渚睠焉夙好除於風雨風吹衣裳彼為栖栖行
吟望予實勞我思山有榛棘河有鯉鯉豈其飲泉必冷

之美君子冠純秩秩大經洄有清酌可以濯纓

高彥敬青山白雲圖

兩崖之間曾不容舠白雲悠悠與山俱高

賦節婦王夫人

汎汎淇水岸有佳竹閨門嚴嚴樂爾貞獨

泛泛淇流岸有松舟閨門閒閒樂爾貞幽

汎汎淇右有堂孔阜娟娟貞幽肅肅眉壽

淇原有泉可濯可沿烹醵勺尊樂爾高年

高年樂只亦有孫子式歌衛風以告國史

竹林七賢圖

瞻彼修竹下臨清流文石偃隄華松蔭丘植表界壤翦
茅宅幽梁度高巘臺隱中洲方牀讀書異宮同休詠歌
相聞觴豆相求或蔣名藥或釣游儵課藝嘉植坐思遠
遊濯纓微波看雲良疇逸而不放儼而自修泰哉沮溺
邈乎巢由按圖以觀永宜春秋孰若五君遺其故儔糟
粕塵世高蹤莊周我懷古人邈而違憂安得揮絃以招

湛浮

環洲詩為蔡天璧作

爰有清流環我中洲雜花鮮明芳草和柔詠有文君鳴
有睢鳩采采遊女侃侃良儔載泳載游在我中沚邈邈
無端沿沿無止既采蘋藻亦有蘭芷觀彼嘉魚一日千
里彼畎彼畝皆為方田分合雍丘我流璧旋星迴于天
雲媚于川君子樂豈眉壽永年言命輕舟言載百壺駕
我乘黃履我雙鳧汎汎彭蠡至于匡廬詠歌以歸清風

載途

冰雪相看亭

并序

趙君有道之先故宋南渡時自東都徙分宜二百年於茲矣其大父登進士第仕至文林郎湖北憲司幹辦公事其父兩舉江西轉運司進士覃恩受官宋亡不復仕城中故地美竹萬個作亭其間而隱焉名之曰冰雪相看信國公之子平遠宣慰之所題也有道信厚敦愿衣冠容氣翩翩然有王孫

公子之遺風敏稼穡以服徵賦謹詩禮以保族姓
無外驚無妄求弗變其父之志以老其身以長其
子孫是以士君子稱焉夫元亨利貞之為德猶春
夏秋冬之為時也君子觀乎運序以自處則合於
時措之宜而不過焉方其以振振麟趾之賢處富
貴之極則大亨春夏之時也自其來南族蕃以久
非秋之利乎其在有道為冬之貞無疑矣冰至堅
而不折雪至潔而不污凜然相看不接于他物誠

得處貞之道也予聞而善之故為之賦詩焉

挺挺直筠琴岡之陰豈無春陽匪今斯今高宜于天下
蟠地深不易其節侃侃素心豈無膚敏白駒駸駸我獨
考槃樂乎幽林堅冰在淵積雪在岑獨往不迴悠然行
吟采采紫芝園綺是尋還求陶生撫我素琴邈乎古人
副我夙欽

竹溪六逸圖

悠悠逝川矯矯逸民攜書相從數席水濱支頤負暄揮

羽却塵躡屐遠道隱几重茵幽響中發虛觴載陳投我
嘉賓舍和茹醇優哉悠哉及茲良辰山有鳴鳥郊有遊
麟濟濟以寧我懷古人

萬戶張公廟堂詩

并序

大德辛丑昭勇大將軍河南征行萬戶鎮通州張
公以其兵從征緬死之通人作廟以祀公三十年
間朝之公卿大夫士能為文章者莫不為之有所
製作泰定丁卯公子御史亦俾予賦之集以為征

緬事始末在朝諸君子則知之矣通州僻在江海之際其人何自知之况久遠乎且不著夫狂夫首禍之故成宗皇帝聖明卒致其罪則公所以不肯墮其構陷必甲冑以死之意亦終不白於通人之將來也故稍原其始而道之庶其有考也詩曰

於赫世皇竝用豪傑一定宇內橐厥戈甲既久既安成宗繼之祖功莫加道在守持狂夫興謀以動相國曰昔祖宗咸尚戰克萬方悉來史皆前能我獨無名曷稱繼

承蠹彼西南翳叢負固聚落八百各統女婦人強善驕
馬具競豪豢豕于牢黃金飾槽取而有之富可足用赫
乎功多以世智勇相臣以聞天子曰嘻有是言哉汝其
試之狂謀既售諫言不入既賦軍實弓鉞仍戢餽饟啟
行萬里騷然飢危蹈毒未戰已捐番番名將天子爪士
鎮于江滸天子所使狂夫忌之承制驅之詎思國謀徒
逞厥私將軍慨言死我臣職可陷者身不陷吾直見制
鄙庸豈我名亮心知無還況冀立功與其矯誣死彼狂

手孰與奮擊不喪吾守孤旅轉戰身入不回殺僇既多
身卒死之三軍失聲萬士喪氣孰明公心君門萬里裹
革東歸遥遥江壩部曲候迎悲風旆纏民懷其忠士感
其義虎奮鷹揚如見其至卜廟得吉東望際海神來妥
之有永無壞狂夫辱國天子震怒立呼狂豎斬以大斧
狂罪則誅死事奈何褒封哀榮百世不磨豈惟不磨元
嗣御史既有兄弟又多孫子奕奕勲門秩秩良材天之
報忠豈有涯哉

揭傒斯

柏堂詩

并序

柏堂為劉母熊夫人作也夫人有淑德年二十五而寡守志不嫁有子曰觀又賢作堂以奉其母請名于太史氏謂之柏堂而作是頌

鬱彼北堂言樹其柏其柏嶷嶷維木之特拍之始生于彼高陵雨露其凝金石其貞拍之既成鳳臆鸞膺言樹斯庭霜雪是憑雪霜浩浩其柏矯矯有美君子而弗偕

老其葉樂樂其節桓桓其居安安永世式觀我堂既構
我柏既茂天錫眉壽保艾爾後

周待制致樂堂詩

有堂渠渠在番之區維周壽母式燕以娛渠渠有堂在
番之陽維周壽母式燕以康斯堂何有有蘭有芷垂佩
蕊蕊維周之子斯堂何有有蘭有蓀垂佩申申維周之
孫曰烝曰嘗孔時且具維甘維旨承于壽母母曰寧只
福祿凝只升斯堂只我心平只母曰嘉只福祿遐只升

斯堂只我心和只

題鼯鼠食瓜圖

種瓜中園予亦勤止瓜長而實汝則殘止雖則殘止予
敢汝仇天實汝生予將何仇汝食之甘既肆且閒實之
食矣無傷予根根存而微惟予之窮根盛而實惟乃之
功

孔林圖詩

并序

集賢待制周侯能修禮於孔林侍讀學士商公圖

之史官揭傒斯詩之

峩峩尼山蔽于魯邦篤生聖人維民之綱尼山之下有
洙有泗有蔚孔林在泗之涘維彼聖人教之誘之凡厥
有民則而倣之維彼聖人覆之載之凡厥有民敬而愛
之既誦其言亦被其服孰秣其馬于林之側既誦其言
亦履其武孰秣其馬于林之下六轡既同周侯之東薦
之侑之聖人之宮其音洋洋其趨蹌蹌其臨皇皇聖人
允臧商氏圖之式昭其敬載瞻載思罔不由聖

題張尊師畫

晨登翠微天氣穆清白雲覆谷飛露垂纓孤猿遠響衆
鳥嚶鳴牽蘿涉澗穿石度陁半巖華氣萬壑松聲神宮
漠漠靈戶熒熒投陰迹影叩寂求磨素髮老人笑而相
迎弗問弗承悟彼長生元玉流液瑤草結英浩浩奔泉
出與川平宛彼下人望我巖扃

趙由儕

述祖詩

悠悠我祖始于軒丘撫歷南陽秩秩大猷爰自伯益舜

錫皐游中衍事商造父御周征彼徐方熊熊有功邑于

趙城大河之東建氏晉國耿先其封成宣喻日畏夏愛

冬岸賈作難嬰白立孤襄子始大常山得符於赫列侯

懋建不圖肅矣武靈兆配有虞西漢子都生長河間暨

于唐末今族居燕卜遷大梁世系綿綿厚德豐功宜永

其傳中罹多難南歷江沱眷焉吾宗豐水居多百川有

原衆條有柯庸修家牒克俾無訛固予伯仲憂患多更

瞻歎古烈自憐其生其生豈偶三辰垂精德業未進敢
不戰兢我心伊何常念厥初感彼霜露愴焉踟躇奉先
如在宗戚相於亦有護草高堂可娛惟忠惟孝立身有
本嗟爾後進勗哉自勉萬有能銷斯道無泯溫恭朝夕
云何不謹顯親揚名俾昌俾熾善保家聲期于勿替尚
念前人留心譜系受天之慶遠及苗裔

杜本

致樂堂詩

有嘉斯堂實誰致樂在番之陽周氏所作作堂渠渠種
樹祈祈百世所基晨昏之宜宜爾子孫奉盤獻蓴曰冠
曰笄曰嫁曰婚婚嫁既爾母則安止大夫委蛇服章纚
纚纚纚服章日登斯堂實誰致樂樂亦洋洋

葉恒

慈谿簿白桂子芳去思碑詩

猗與簿君學優而仕顧我慈谿發跡之始必疏其源必
蹈其軌有緯有經遂底千里惟此慈谿純孝之鄉君子

戾止井井紀綱既耕而食既織而裳我夫我婦孰使田
桑曰雨則雨曰暘則暘匪忒匪僭一秉故常天朝需材
行則大用毋狹一隅四海斯共寧不懷思懼涕羣衆勒
彼康莊以著輿頌

趙偕

送葉伯奇入官

朔風冽冽海天茫茫良朋告別我心皇皇

既卜隱居花嶼之陽既有諸賢可以徜徉豈宜今日有

茲遠行

吁嗟大道不明久矣矧我後進流俗靡靡正喜幽人所
居伊邇聞我清明滌我塵滓庶其有賴日新無已不謂
此行匪人可止

蕩蕩上帝厥鑒昭然福善禍淫至公無偏吾友伯奇道
心本全落落默默融融淵淵於人弗欺常畏於天

矧今執政篤於敬賢豈不念女孝心虔虔豈不容女奉
安爾父以享萬年

林以順

鄭氏義門詩

稽古聖神明德修身首念九族一身之分族不易睦睦
之以親族不徒敘敘之必惇惇惇親親民變俗淳比屋
可封孰焉美名蓋聞其風降自華勲昔之所親今為塗
人昔之所惇今反少恩後聖繼作建極敘倫汨沒之中
善端或明義夫節婦孝子順孫有一于此朝上夕旌矧
自祖父至于後昆總功以降娣姒異姻內外執役千指

孔羣同牢共食爰及犬豚堂奧之內惇睦風存節義孝
順百行具聞義孰大焉宜書其門余長浦陽邑有鄭君
華其五世八世復新蠲徭之命自天申之鄭君曰噫曷
以稱之聚骸有土聚穀有困將廣此義卹荒惠貧敢曰
自佚以病鄉鄰吾忍安之惟義是遵余謂鄭氏堯舜之
民世世弗替用徵斯文

郝儀

縣令尹侯亨夫德政碑詩

赫赫聖皇思愈民瘼豈無多士承宣祇若於惟尹侯洵
美且都薦膺撫仕名實胥符最爾小邑民貧土瘠侯之
戾止秉心無斃撫我瘡痍閔我耕桑衣之食之絃誦琅
琅瞻言百里河水瀾瀾廼決廼防廼正疆理有弊斯革
有利斯存民用實繁載笑載言既奠我居又寬我力伊
誰之功惟侯之德侯云邁歸我思何極何其有極徵諸
石刻

孫桂

題趙榮祿水村圖

青山橫陳流水如玉蕭瑟寒蘆扶疎雲木匪畊匪漁熙
然自足睠茲幽尚翳誰之屋有隱君子好古耽書扁舟
何人載酒來與豈無知者爰作是圖輞川之勝千載與
俱

蘇天爵

鶴壽堂詩

并序

河東李生僑家真定築室以奉其母揭名鶴壽為

之賦詩曰

奕奕新堂潯水之陽于以奉母允壽且康惟此潯陽風
物淳美旨甘膳羞亦孔之備母氏壽康由克致養子職
慎修晨夕弗爽九臯之禽其色尚玄爰祝慈母惟以永
年瞻彼冀方俗儉而嗇我固不忘昊天罔極生也屬屬
肄業詩書堂構益崇其永勿隳

千夫長梁侯壽詩

皇有中夏戡定南土猛將如雲奮厥才武于時梁侯旅

力方剛被甲執殳從征遐荒嶺嶠海壖蝮虺瘴霧出入
廿年王事勞苦嗟爾師旅以殺為嬉梁侯姁姁撫寧遺
黎天相其德受福不那黃髮歸休子孫孔多伯也總戎
于江于漢仲也在廷執法侃侃皇錫封命寵予袞嘉酒
醴維醺往告于家周有方叔漢有充國征罔不服謀罔
不克維今南疆徭人猖狂思得虎臣往斧其吭盍即老
成爰咨爰度我武維皇九宇式廓

李孝光

有翼 并序

美郡監也郡使吏作哨船備不虞也為作有翼之
詩以美之

有翼大艦如山之崇輕利攻突視彼艨衝司其操縱為
萬夫雄

中建重室守以貔虎其止如林其涉如舞孰敢當之矛
戟鉦鼓

鉦鼓淵淵其旗旆旆風揚其旂如雲斯薈波濤不驚鯨

鮑悅潰

有跋于海或抗于濤舟師理柁軍旅樹纛執獲窮寇率
翦其曹

還泊于沙雨潦浸淫物久則腐或漏或沈是名武備矧
公實臨

維仁侯公施惠布令使吏更作毋為民病命我岳守承
其有政

岳守謂民公實仁女官為亟作于民無取有翼斯艤維

國之武

我武孔張皇威暢遠盜賊消阻改惡慕善海若安流陽
侯有衍

大哉皇仁武備弗忘黼彩漾影蛟文流光君子為政恒
慎豫防

河流 為陰君錫作

河流洋洋維鯉維魴君子有母君子之光
鳥飛提提子則哺之君子有母何以事之

南山有雲淒其以雨我則有母莫在膝下
豈無好爵我不敢私母寒母煥歸視母宜
席何鄉矣衽何趾矣其何羞矣命我婦子
我遊四方婦子甚敬雖有婦子不如我仁
嗟予有子事我甚善女則有子事女無愆

岐山

并序

岐山小隱圖楊善卿追圖其先人所居之里宅也
善卿獨事母夫人宦游江南將二十年歸而未得

因作是圖以示不忘其先人第宅丘墓之故其意
亦可悲矣他日余往至善卿所見是圖於壁間予
為之憮然而又以知善卿之仁也為作岐山之詩
以慰之嗟乎以善卿之善事其母奚必岐之宅而
後為養哉孝子之心亦曰如是而後盡焉爾

我思岐山無日不思彼岐出雲亦返于岐
思胡不歸孰言岐遠舟則在川車則在阪
維岐之陽有棗有桑予歸不遑予心之傷

鄭氏義門詩

南有嘉樹鳳鳥所巢君子之孝君子是做予何做矣有
踐者禮匪予能孝自予祖禰先祖相宅猶泉之原豈不
貽世而懿其綿擊鼓之堂兄弟雁行衍衍栗栗執德孔
明伯也甚敬衣冠燕處叔也絃歌陳其俎豆有髦而綏
錦紳佩蒞數視諸父視其舉趾匪夫之良有似有娣瑟
彼中饋饋饌酒醴謏哉話言自我諸昆羣弟具聽有踞
其敬毋徇毋怠毋酗毋淫毋聽婦言毋謹我庭嗟嗟話

言胡獨爾行凡人有家用爾為訓尚願子孫終永無忒
作嘉樹歌以勗明德

鄭彝

雩詠亭續蘭亭會補山陰令虞國詩

興懷古先仰觀元造尼歎逝川平念華草暮春維和爰
舒幽抱皎焉白駒嚶其黃鳥

謝理

雩詠亭續蘭亭會補侍郎謝瑰詩

瞻彼阿丘神禹秘之茂陰嘉樹清泛芳池臨流引觴衍
衍以嬉俛仰千古逝者如斯

張溥

雩詠亭續蘭亭會補鎮國大將軍掾卞迪詩

藹藹雲岡溶溶春水集我朋儔掇茲蘭蕊千載同流夷
猶芳軌美哉良會衍樂無已

徐昭文

雩詠亭續蘭亭會補府主簿后綿詩

柔風扇和百卉具芳攜我良儔憩于崇岡怡情詠歌激
水泛觴俯仰宇內聊以徜徉

王霖

雩詠亭續蘭亭會補王獻之詩

滴彼源泉其流泱泱誰其逶之以詠以觴酌此春酒以
袂不祥

諸綱

雩詠亭續蘭亭會補府曹勞夷詩

卷一
俯挹清流遙眺崇嶺于焉遊盤寄興遐永放同觀濠高
企臨潁冷風徐來暢焉深省

戴良

平饒信詩

并序

廼者中原俶擾列郡繹騷王師下征負鄙不服及
至精兵四集遂復突出東南轉攻武昌延及饒信
時老老公為浙江行省左丞實被命分討以當饒
信之衝公方帥師上道而衢之開化常山江山亦

相繼陷勢甚張橫乃兼行至衢令諸將分守三縣之險間出挑戰以挫其鋒已而所向俱捷因急擣玉山以奪信城信城既下寇猶三面固守扼江為陣諸將領兵四進且戰且前寇乃并衆江曲以備公責戰益急諸將合戰益用命後竟破其陣斬首萬餘級復以鉛山諸處猶往往從寇未下乃設法購賞遣數騎往諭使自新於是其黨縛寇將致麾下降人卒以萬計遂進駐上饒分道撫慰而樂平

等縣亦望風納款願擊寇自效公得寇黨輒釋不
殺用其策戰數有功由是饒信悉平而二郡居民
之散亡者亦皆招集安定以撫有其舊業久之事
聞於上上為嘉歎命出黃金繫帶即軍中賜之仍
俾鎮其地於是江西湖廣久為寇巢閩闕以南相
挺繼變而浙水之西亦淪沒不常惟我饒信克清
境土截然中居此其為功不既大矣乎昔唐憲宗
命裴度李愬平淮右之亂河東柳宗元嘗作雅詩

二篇以形容其功業愚雖不敏庸敢竊取斯義謹
為詩一篇凡三百六十言雖不及柳氏之鋪張諷
詠庶幾指事實錄有以載我公之豐功大業於無
窮其詩曰

皇奮厥武于蔡于徐彼兇卒迷敢抗天誅王旅嘽嘽怒
若虓虎是迅是躍以夷醜虜寇乃敗逃自鄂而饒而信
而衢奔騰叫饒惟時我公出次于東既禱既禡駟馬龐
龐羣帥請命于皇之訓踣彼頑嚚宥此惠順載紆金節

載礪雕戈龍盾虎旗皇威是荷進次于衢寇克莫逞既
克三邑彼卒大窘遂徧信城信城獨獨有不能守復據
以江公曰爾師勿徐勿亟四軍並作誰其汝克或敗其
腹或披其枝大袒而前不見刀鋸寇窮輒走潰其羣醜
刃不纏腰紅不怕首公曰其追殄滅是期卒刳乃肉血
手淋漓凡變之始衆或附起剪厥渠魁下人罔治皇有
恩言我是用宣單車朝出降幡暮懸螟螣已除稂莠亦
斥式廣德心以奠鄉國孰飢孰寒孰呻而歎孰病不治

我惟汝安乃留乃處乃徹我土匪逸其居王師之所皇
謂我公爾其克艱釐爾寶帶用旌爾賢公拜稽首天子
明聖公拜稽首皇襲寵命信饒既清蔡徐亦寧惕威徂
德我武用成太平之期誰實致之天祚我皇命公是毗
公其歸相為時碩輔億萬斯年無敢予侮

春輝堂詩

春日載遲有耀其輝彼居之子永念庭闈簣土之孝泰
山之慈欲報之德中心慊而

何以寫心聿構斯堂有酒有酒載崇于觴爾有其潔爾
饌其香不有慈親云何以康

嗷嗷林鳥鳴我堂陰我豈不如懷此好音好音克懷實
勞我心爰有謏草言樹之襟

吳集賢新堂詩

并序

吳溪吳公考堂也

沍彼吳溪浦水出焉水繞山迴篤生俊賢
俊賢之生時維吳公自北自南有聲淪淪

其聲謂何隆以爵位誰其婉之超羣逸類
我公曰歸有赫其光曾是故廬閤然弗章
公曰吁哉我胡止居來我工師我村于溪
爰作新堂新堂孔伋其桷庭庭其楹植植
乃闢我寢我寢既安乃立我門我門有閑
我軒我廡亦曼且碩羌何敏哉曾不留役
公作斯堂左山右池山有集鳥池有跳魚
公登斯堂以燕父老有笙皞皞有鼓考考

公居斯堂黃髮其纘有子有孫從之如雲

公曰其徠爾我孫子其聽我言以久此宇

昔視我廬椽騫棟墮今其輪奐豈不在我

揀之度之啟之辟之何幽不朗何廢不治

爾承我志曰象此堂小可為棧大可為梁

毋堰爾本毋拜爾枝苟成爾材大小具宜

衆領公誨莫不改容孰是後人而弗率從

噲噲斯堂德以為基構之以功百世可知

匪功靡成匪德曷致小子作歌以詔來裔

倪瓚

題畫

義興之山維水瀾瀾載遊載咏操觚挾几聊樂一日百
歲奚俟

沈右

春暉樓者吳下顧君仲瑛就養讀書之所也仲
瑛日與昆弟子姪奉卮酒為親壽臨海陳敬初

氏實記之余不自揆輒賦古詩二首或者歌以
介酒仲瑛之志也其詞曰

玉山之陽延罟縈紆有屋層出君子之居入奉父母出
與弟俱有琴有書以釣以漁瀲灩流水深不可𦉰英英
白雲邇而不迂維春有暉維德不孤及爾孫子永言樂
胥

先哲有訓有典有經淑爾君子仰止景行我來自東春
日載明日未覲止中心怲怲亦既覲止我心則平仰爾

父母及爾弟兄既和且煦令儀令名升堂拜母式表友
情維木有椿有蔚其榮維草有萱有茁其青韡韡棠棣
有葉其生有猗者蘭有烜者荆有懿者德有休者徵樂
只君子百祿來并

劉永之

茅屋讀書圖

峩峩蒼山白雲冒之靈液滲漉瀉為清漪帶我林薄環
我蓬茨春日載陽卉木華滋呦呦鹿鳴泛泛浮鷺敘此

幽獨理我琴冊嗟彼聖賢遺我令則顧瞻周道零露在
草駕言從之中心慄慄澗有蘭茝山有蕨薇逍遙卒歲
皓首為期

謝應芳

竹素齋

天人交敷義畫馬圖文明九丘科斗六經於昭日星漆
書汗青姬公宣尼斯文緝熙為世範儀百家之多繼聖
惟軻如江如河竹兮素兮文所寓兮開牖戶兮爾于其

中樸斲磨礲德業攸崇苟習其辭舍已弗治雖多奚為
余言若茲亶弗爾欺亦以自規

方竹杖

并序

予性喜方偶得一方竹為杖甚愛之因念古之崇
節義尚廉隅者類焉刻詩其端持以自警

猗歟竹君易園為方虚心固節悉如其常其方伊何如
玉界尺不砥而平不繩而直曰予老矣賴君扶持義以
方外庶克似之

婁曲書堂

汨彼婁水東連于海爰有幽貞居婁之匪蜒舟岸泊婁
人紛拏幽貞有子的書厥家晨雞既鳴汎埽室堂羞我
甘輒奉持趨蹌我經我史如畊如桑我服其勞罔敢怠
荒黍稌有田魚亦有梁味道之腴游藝之場曰父與子
欣欣樂康其樂維何匪人匪天憧憧往來誰其語旃
江陰張希尹以蚶杯飲予且曰是杯得自句曲
張外史於今三十年請為賦詩

溝南老仙出杯孔奇酌言詢之杯從何來匪兇而觥匪
玉而卮不琬不鍤不覆不欹謂為蚌耶鵲胡弗持謂為
蛤耶雀奚爾為測海之蠡其殆庶幾老仙笑言子宜背
闕瓦壟之文微蚶而誰水族之秀實生天池昔逢仙人
觀乃朶頤麴蘖為振華陽同歸轉客我者卅年於茲如
李白氏杯鸚酌鸚醺風酌月朝斯夕斯走亦何幸數從
宴娛百憂俱忘是用作詩

張雨

書摘阮圖

長松結陰芳草如莽丘中微吟有天際想彼阮者咸發
我撫掌一鳥不鳴衆山俱響

希陵

正元祝贊詩

并序

皇帝即位之明年改元元貞海宇乂安萬邦欣戴
罔敢違順太平之兆見于斯矣臣幸逢元日詣闕
祝贊序立殿陛之左親瞻穆穆之光而又獲覩禮

樂之盛混一氣象之雄私竊踴躍作詩稱詠聖德
炳日月之麗天用垂萬世無斁其詩曰

皇帝踐祚聖同堯禹纂承丕基光顯宗祖載弘洪烈繼
離照午昭德惟新民物咸覩明視達聰通今博古登能
庸賢左右規矩克剪姦克靡遺細鉅服德畏威跼蹐伏
俯海夷畢臣罔敢違拒天錫皇元混一寰宇綏厥黎庶
德滂仁煦島壤蠻貊無遠弗溥元貞元日百典具舉龍
戟鸞旂排執而伍百辟蹌蹌拜笏蹈舞衆樂奏和鳳翼

應拊地產百祥天降百祐貢璧獻琛摩肩踵武天錫皇
元作萬邦主如日之升下熙九土箠矢橐弓式偃兵旅
國既阜豐民亦無窶願永萬年惟馨德輔祈與天齊無
墜厥緒臣作歌詩播諸樂府

祖瑛

菊山詩

英英嘉菊樹之盈畝瞻彼南山在我軒牖邈矣羲皇同
寓一宙昔淳今澆於我何有嘉菊秋榮我有醇酎嘉賓

不速翠瓢在手酒酣歌起清商滿天矯然遐觀南山蒼
然右麾寄奴左拍陶肩時不我與已旃已旃爰採一枝
笑插華顛優哉悠哉聊以永年

文信

古婁顧仁山于其所居植竹數百本竹中作亭
日消搖其間乃署其亭曰竹逸於乎古之賢者
必有寓若顧君寓于竹不亦賢乎哉為賦詩一
章以贈之

時維青陽彼花競英雨雪飄飄我竹青青于彼竹中曰
構我亭我琴既絃我酒既清以遨以遊以樂我情豈不
爾思于焉孔寧君子之心惟以是貞

御選元詩卷一

欽定四庫全書薈要卷一萬八千四百十四

集部

御選元詩卷二

樂府歌行一

劉秉忠

宮中曲

簾捲東風戶半開
閒庭煙銷綠紋苔
海棠花上黃昏月
曾照金鑾幾度來

遠別離

霜落江寒鳴雁稀倚樓人定怨歸遲
笛聲喚起山頭月飛上青天照別離

郝經

聽角行

疎星澹不芒破月冷無色
千年塞下曲忽向窗中得
當空勁作六龍嘶四海一聲
天地寂長呼渺渺振長風
引起浮雲却無力此聲誰
謂非惡聲借問何人有長
策漢家有客北海北節毛
落盡頭毛白聽此空令雙
淚垂中

原雁斷無消息南枝越鳥莫驚飛牢落天涯永相失江
上舊梅花今夜落誰家樓頭有恨知何事牽住青空幾
縷霞

趙邈齷伏虎圖行

南山射虎曾得名壁上忽見令我驚何物敢爾來戶庭
屢叱不動仍生獍畫師前身是山靈胸中有虎無丹青
老櫛數筆手埽成殺氣慘淡猛氣橫頭顱半妥蹲孤城
怒尾倒插蟠霜旌鐵鬚張磔疑有聲赤吻瀝血猶帶腥

抱石欲卧伏欲騰爪入石角瞠不瞑寒電夾鏡騫兩睛
四座凜凜陰風生威稜神采出典刑邈觀乃是金天精
伊昔詩家杜少陵酷愛賦馬并賦鷹為憐神俊故屢稱
我今賦虎亦有徵安得猛士建太平坐令四海皆澄清
吁嗟擲筆還撫膺世間道路多棘荆佞鬼磨牙不可行

華不注行

崑崙山巔半峰碧海風吹落猶帶濕意氣不欲隨羣山
獨倚青空迥然立平地拔起驚孱顏劒氣勁插青雲間

濟南名泉七十二會為一水來浸山我來方作鯨川遊
玉臺公子邀同舟君山浮嵐洞庭晚小孤滴翠清江秋
酒酣興極煙霏昏魚龍慘淡迴山根少陵不來謫仙死
舉杯更欲招其魂魂兮不來天亦老元氣崔嵬山自好
超超絕頂凌長風注目東溟望蓬島

巴陵女子行

并序

己未秋九月王師渡江大帥巴圖及萬戶解成等
自鄂渚以一軍覘上流遂圍岳岳潰入于洞庭俘

其遺民以歸節婦巴陵女子韓希孟誓不辱于兵
書詩衣帛以見意赴江流以死其詩悲婉激切辭
意壯烈有古義士未到者嗚呼宋有天下文治三
百年其德澤龐厚膏于肌膚藏于骨髓民知以義
為守不為偷生一時計其培植也厚故其持藉也
堅乃知以義為國者人必以義歸之故希孟一女
子而義烈如是彼振纓束髮曳裾戎冠名曰大夫
而誦書學道以天下自任一旦臨死生之際操履

云為必大有以異于希孟矣余既高希孟之節且
悲其志作巴陵女子行以申其志云

北來諸軍飛渡江突騎一夜滿岳陽樓頭火起入閭巷
曹逃偶走如牛羊巴陵女子尚書婦生平不識門前路
亂兵驅出勢倉皇夫壻翁姑在何處吞聲掩淚行且啼
啼痕沾濕越羅衣此身忍使人再辱裂帛暗寫臨終詩
上言社稷安危事下說投江誓天志一回宛轉一悲辛
心折魂飛不成字詩成淚盡赴江流蛾眉蕭颯天為愁

芙蓉零亂入秋水玉骨直葬青海頭古來烈婦纔一二
誰似巴陵更文理名與長江萬里流丞相魏公還不死

江聲行

雁啼月落揚子城東風送潮江有聲乾坤洶洶欲浮動
窗戶凜凜陰寒生昆陽百萬力一蹴齊呼合噪接短兵
鐵騎突起觸不周金山無根小孤傾起來看雨天星稀
疑有萬壑霜松鳴又如暴雷鬱未發暗鳴水底號鯢鯨
祇應靈均與子胥沈恨鬱怒猶難平更有萬古戰死骨

銜冤飲泣秋濤驚虛庭徙倚夜向晨重門擊拆無人行
三年江邊不見江聽此感激尤傷情須臾上江帆欲舉
舟子喧喧鬧槳鼓江聲漸小聽雞聲慘淡芙蓉落疎雨

後聽角行

并序

丁未冬十有一月漢上趙先生仁甫宿于余家之
蜩殼菴霜清月冷角聲寥亮乃作聽角行以贈其
行近在儀真每聞角聲因思向來卒章四句江上
舊梅花今夜落誰家樓頭有恨知何事牽住青空

幾縷霞便有江城羈留之兆故作後聽角行以自

釋云

燕南壯士江城客孤館無眠心已折那堪夜夜聞角聲
怨曲悲涼更幽咽一噴牽殘楊柳風五更吹落梅花月
霜天裂却浮雲散雁行斷盡疎星接餘音眇眇渡江去
依稀似向愁人說勸君且莫多歎嗟家人恨殺生離別
可憐辛苦為誰來彫盡朱顏頭半白萬緒千端都上心
一寸肝腸能幾截當時聽角送南人南人吹角不送人

不如睡著東風惡拍枕江聲總不聞

陽春怨二首

江頭怕見楊柳春楊花飛來愁殺人紅顏落盡花片新
黃昏無人淚霑巾舊花被疊凝春塵夢中忽見渾未真
隔花半面春山顰恨郎不歸多怨嗔不知兩處同苦辛
同是天涯愁恨人幾年心事向誰說花落鶯啼晝掩門
芳草萋萋春又青階前院後喚愁生隔牆飛花帶鶯聲
都因無情却有情強飲不醉愁難醒欲睡不著夢難成

金谷行
卷二
一簾斜日堆綠英春風澹沲江無聲楊花茫茫揚子城
總是天涯流落情夜來說殺梁間燕一世春愁在此行
楊奐

金谷行

洛陽園池天下無金谷近在西城隅晉時花草不復見
野人猶解談齊奴齊奴豪奢誰比數酒酣愛擊珊瑚株
後堂春風滿桃李中有一枝名綠珠千金買步障百金
買氍毹時時吹笛替郎語雲窗霧戶長歡娛層階欲下

須人扶豈料一日能捐軀紅飛玉碎頃刻裏空使行客
悲躊躇樓頭小婦感恩死君臣大義當何如

酬昭君怨

玉貌辭金闕貂裘擁繡鞍將軍休出戰塞上雪偏寒

劉祁

征夫詞

頑陰漠漠秋天黑冷雨瀟瀟和雪滴塗中騎士衣裳單
半夜銜枚赴靈壁中州近歲雨雪多只因戍馬窺黃河

將軍錦帳衣千襲馬上揮鞭傳令急但令飽暖度朝夕
一死沙場吾不惜九重日望凱歌歸安知中路行逶迤
願將舞女纏頭錦添作征人身上衣

杜瑛

留春曲

絮飛冷屑龍蟠玉花隕香摧鳳銜燭批頰深林叫新綠
倚闌人唱留春曲春光欲去如死灰明年暖風吹又來
何如日日長相思典衣共醉花前杯殷勤留春春不住

白日西馳水東去鏡中絲髮奈老何君當持杯我欲歌

李冶

楊白花

帝家瑤樓春晝長紫笙吹破百花香蒲萄凝碧琥珀光
燕語鶯啼空斷腸枕帷紅淚灑瀟湘玉鏡臺前添午妝
茜裙緩帶雙鴛鴦胡蝶趁雪上釵梁千里萬里雲蒼蒼

劉因

清江曲

清江芙蕖玉可憐
岸花汀草自年年
來鴻去雁不相識
曉露無聲香暗泣
江樓縹緲如花人
望之見之不可親
無限晴雲錦樹新
愁眉只向遙山顰
遙山一十里長在
愁眉底鏡裏繁華
過眼空遙山鑄向
青銅中遙山遙復
遙笑蕖霜早彫明
日愁眉為誰埽月
白江清天未曉

白雁行

北風初起易水寒
北風再起吹江干
北風三起白雁來
寒氣直薄朱崖山
乾坤噫氣三百年
一風埽地無留錢

萬里江湖想瀟灑
佇看春水雁來還

李思衍

石牛行

寒牛轂馱秋江煙
五丁擔落石一拳
驚濤拍岸撼不動
夕陽老背供鴉眠
天荒地老煮白石
頑嬾不過蒼苔田
騰騰卧地帶佛性
尚肯遠護風濤船
泥深蹄轉重鼻缺
繩難穿既不能西
推紫氣度函谷五
千道德言神仙又
不能糞金開秦塞
隔絕鳥道四萬八
千年渴奔一斗酒

傲兀廬山前潢池刀劍賣已盡貞觀斗米方成錢雨犁
急趁勾芒起不然碎汝東風鞭

魏初

田家謠

五月軍回未有期不禁野瘴入枯脾馬頭一骨還家日
只有弓刀似舊時

王惲

拖舟謠

湯湯汶水波西驚復東注勢雖汗漫來止可流束楚發
源本清淺才夏即沮洳安能浮重載通漕越齊魯有時
汎啻舶濤漲藉秋雨船官行有程至此日艱阻鉅野到
齊東著淺凡幾處必資州縣力澀滯方可度漫邨趕丁
夫所在沸官府先須刮流沙推挽代篙艣硬拖泥水行
奚異舁盪努涉寒痺股腓負重傷背脅咫尺遠千里跬
步百舉武茲焉幸得過斷流行復阻又須集牛車陸遞
入前浦中間吏因緣為弊不可數蠻梢貪如狼總壓暴

於虎所經輒繹騷不若被掠虜盼盼入海口未免風浪
鼓舟中一斛粟百姓幾辛苦今復起堰埧壅積百方禦
木石動萬計科配困氓伍不思根源微隄障深幾許轉
漕本便民廣儲實國補事功貴順成勉強終齟齬海道
事已然又復有此舉惜將生民力委棄若泥土山東實
重地一靜乃可撫嘗聞建隆間有相曰趙普凡百投利
人罷遣皆不取以茲報國恩後世比申甫黃閣十餘年
清風一萬古

捕魚歌

塢西溪水深及篙漁戶曉集拖輕舸縱橫張網截兩溪
挺叉遠混驚銀魴柳陰潛沔深且密大魚小魚爭遁逃
須臾合網環深碧薄摻提網從掇拾小魚骨罌半死生
口頰噉喁無足惜就中一魚匪常材黃金作鱗尾砂赤
泳游本在孟津居波蕩江湖事行役中涂遇厄夢不神
騰躍舟中有時立漁郎迴艇催歸急幾處金盤待鮮食
夕陽澹澹洲渚空回風瀟颯溪神泣網罟設兮水不深

役物而君戒貪得古人數罟不入池以時漁捕須盈尺
今人古道棄如泥竭澤焚丘意方畢野人有樂在濠梁
澤畔行吟三歎息

醉歌行

燕平湖作時
為平陽府判

蒼陂水漲玻璃滑堤柳含煙翠蒲茁當年亭館已陳跡
老樹遺臺猶秀拔我來置酒池上頭使君不負驄馬遊
縣曹供張散平碧呼集妓樂羅珍羞君侯一笑開懷抱
十日東風醉芳草自嗟客子何所有春色三分二分老

人生歡樂不易得
況值清明時節好
終年塵土簿書裏
未礙金尊重傾倒
湖光照眼明羅綺
碧潄遙翻歌扇底
氣酣急遣張水娥
取樂不論冠佩委
溪風吹面縠紋生
兩葉蘭舟撓鼓起
紅衣飛墜彩繩高
沒入蒼煙驚躍鯉
郡人亦喜歲華新
四面縱觀空巷里
佳人弄水被不祥
公子聯鑣特觀美
錦筵香細酒不空
既醉窮歡忘誇靡
溪神捧出柘枝娘
翠袖娉婷矜便體
繡靴畫鼓隨節翻
羅襪塵生步秋水
一春盛集固云樂
此會賓僚尤燕喜

山陰修禊晉諸賢暢敘幽情差可擬客言行春似蜀守
醉倒浣花而已矣樹梢晴日向斜暉使君阜蓋先醉歸
就中二公最愛敬移次臨流盡餘興一杯未了風翻浦
山公倒載尋歸路自憐白髮非春事多為湘妃厭歌舞
呼兒覓紙紀歲時不以斯文烏所覩至元乙亥三月春
元已纔過日在寅浩歌月底還自笑醉裏詩成似有神

二公謂同知張明
卿治中忽英甫

滹沱流漸行

并序

馮征西傳云世祖自薊馳至饒陽蕪婁亭南渡滹
沱入信都王將軍霸稱冰堅可渡處今鼓人指縣
東北龍華鄉故河道曰全渡者即其處也且以饒
陽取直趨冀其經鼓縣東界無疑但河自牧國庚
午徙縣南行流問諸父老云今七十有一年矣春
秋鼓聚在今縣西五里廢城尚在今曰下曲陽者
是也至元庚辰夏予按部是州士子張春卿者請
予紀其事因為賦此

王郎何人著拓黃欲與赤伏爭翱翔漢炎中斷天復熾
時後頑石胡為光蕭王揮戈指幽薊戰血滿野風塵蒼
募兵返得市人喙當時南馳亦蒼皇鳶鞬城東潯水長
北風烈烈天雨霜前驅候騎兩失色河雖流漸無可航
兔肩麥飯未下咽大冰橫合堅於梁古稱王者阨不死
淮陵一言殆天使赤龍已渡凌四開白魚躍舟未逾此
壇亭王氣如水清妖彗邯鄲死灰耳彼蒼有意聞真主
固令若輩先驅處君看隴蜀最健者一旦等蛙終漢虜

王郎區區安足數蒼茫此日龍華渡漠漠野煙生綠樹
留在長河閱世人萬古朝宗浩東驚

通漕引

漢家鼎定天西北萬乘千官必供億近年職貢仰江淮
海道轉輸多覆溺東阿距泉清泉縣二百八淪濟西來與

清合安流取直民力省積水浮網纔兩閘自昔河防爭
橫議祇辦薪芻不勝計宣房瓠子至今悲以彼方茲功
極細役徒三萬期可畢一動雖勞終古利裹糧荷鍤去

莫遲行看連檣東過薊休說春潭得寶歌長笑韋郎空
侈麗從今粒米斗三錢狼籍都城樂豐歲

李夫人畫蘭歌

為郎中孫
榮甫賦

清閨堂深不知暑瑤草佳期夢元圃孫郎笑折紫蘭來
素影盈盈映修渚李夫人澹丰容天然與蘭相始終刻
藤一筆作九畹落墨不減江南工芳姿原與凡卉異曄
曄況是湘纍薺離騷不復作遺恨千古沈幽宮君看此
花有深意似寫靈均幽思悲回風君家大雅堂文彩東

野翁併入慘澹經營中秋風拂簾秋日長芳霏霏兮
崇光淡妝相對有餘韻畫欄桂子空秋香淡軒託物明
孤潔五十年來抱霜節固知色相皆空寂妙得於心聊
自適仿佛湘娥倚暮花黃陵廟前江水碧生平佩服真
賞音升聞紫庭非素心喚起謫仙搖醉筆為翻新曲瀉
瑤琴

仙遊曲

庭竹無人綠滿窗幽香和露濕霓幢日長孤絕壇邊鶴

啄徧晴苔影一雙

荀宗道

琴山行

山形取類非一端琴山得名知何年丹楓列植如朱絃
時有鸞鳳棲其巔秋風颯颯鳴飛泉豐山霜鐘晝夜懸
擬金戛玉聲清圓抑揚起伏萬籟全雲韶大雅久不傳
至音一變義皇前不煩繩削皆天然春雷玉磬俱蹄筌
姥山山人遜世賢心閒體弱志節堅幽居彷彿如龍眠

醉吟時泛湖海船
迢迢宛若蓬壺仙
嗟予未解纓組纏
煙霞痼疾不可痊
奈何尚有箏笛緣
擬將俚耳濯清漣
為君重賦思歸篇
與山相對期終焉

元淮

文婦詞

掠起雲鬟賦小詩
文窗晝永筍初肥
木香架上薔薇落
簾幙無風燕子飛

方回

石頭田

晝欲求一淘有竈無竈煙夜欲求一榻有屋無屋椽歷
歷數百里無人居道邊問言何至此我亦為恍然江西
走荆蜀行行三十年鈴卒遞羽檄販夫駢擔肩觀國上
秀士奉使驟達官車馬或相遇往往皆衣冠後隴竹未
斷前坡花已妍入肆飲美酒既醉不問錢是時鬢如漆
浩歌無憂端豈謂再至此滿頤霜雪攢尋覓舊題壁脫
落迷榛管乾淳老前輩間有數字完昔時所見人往往

沈重泉翁張孰移幹隆替更變遷雲曖淡竹嶺雨昏石
頭田我僕既已惰我馬復不前慨慷一以思古有行路
難難更莫如今懷古空永歎

楊弘道

空村謠

淒風羊角轉曠野埃塵腥流膏夜為火望際光青熒頽
垣俯積灰破屋仰見星蓬蒿塞前路瓦礫堆中庭殺戮
餘稚老疲羸行欲倒問汝居空村何以供朝昏氣息僅

相屬致詞難遽言往時百餘家今日數人存傾筐長鏡
隨日出樹木有皮草有根春磨沃飢火水土仍君恩但
恨誅求盡地底官吏有時猶到門

戴表元

秋蟲歎

夏蟲聲漸微秋蟲聲漸繁微物何所知時至不得閒嗟
我鏡中髮亦復就彫殘淒然雜憂患霜風埽茅管反不
如彼蟲自得草莽間所以達生士逃名在空山客居雖

云樂不如早知還

昨日行

種樹莫種垂楊枝
結交莫結輕薄兒
楊枝不耐秋風吹
薄交易結還易離
君不見昨日書來
兩相憶今日相逢
不相識不如楊柳
猶可久一度春風
一回首

招子昂飲歌

與君相逢難草草
與君相逢苦不早
人生何處少泥塗
此日飄零武林道
武林城中馬如雲
閉屋狂歌人不聞

狂歌自笑君亦笑依然狂絕不如君君歌豈是真狂者
青衫少日春瀟灑至今俊筆五花紋最惜青眸十行下
虛名何用等灰塵不如世上蓬蒿人黃金偏趨不貧室
白髮難老無愁身風雨無情亦如此淒淒但聒窮人耳
不見朱樓高到天鳳簫龍管連朝起連朝笙管可奈何
我歌且止須君歌青天白雲望不極坐見綠水生層波
我生何為被狂惱江頭魚肥新酒好從今作樂擽醉倒
與君相逢難草草

採藤行

君不見四明山下寒無糧九月種麥五月嘗一春辛苦
無別業日日採藤行遠岡山深無虎行不畏老少分山
若相避忽然遇藤隨意斫手觸藤花落如蝟藤多力困
一顰伸對面聞聲不見人日是將來各休息妻兒嬾拂
竈中塵須臾叩門來海賈大藤換糧論斛數小藤輸市
亦值錢糴得官粳甜勝乳明朝滿意作晨炊飽飯入山
須晚歸南村種麥空早熟逐日扃門忍飢哭

義蜂行

山翁愛蜂如愛花山蜂營蜜如營家蜂營蜜成蜂自食
翁亦藉蜜裨生涯每當山蜂採花出翁為守關司徼遮
朝朝莫莫與蜂狎頗識蜂羣分等差一蜂最大正中處
千百以次分來衙叢屯雜聚本無算勢若有制不敢譁
東園春晴草木媚漫天蔽野飛橫斜須臾駢翼致雋永
戢戢不啻輸牛車似聞蜜成有所獻儔類不得先磨牙
重防覆衛自嚴密雖有毒螫何由加一朝大蜂出不戒

春容靚飾修且姱蜻蜓忽來伺其隙搏擊少墜遭蝦蟇
羣蜂倉皇迷所適謁走欲絕聲呀呀求之不得久乃定
復結一聚猶如麻我來訪翁親目睹拊髀不覺長咨嗟
翁言蜂種幸蕃盛衆以義聚尤堪嘉烏衣槐安傳自古
蠻觸分據兩角蝸雖云彷彿存國族徒以紀異其詞夸
博勞舅婦恨翼短鼃靈異姓爭荒遐豈如茲蜂互推舉
一體同氣無疵瑕我憐翁言私誚責扶傷早媿隋侯蛇
況伊二毒俱下類瑣細不足勞鞭撻前尤往悔俱勿論

事會倚伏來尚賒新房才成蜂未壯舊房委棄隨泥沙
飛花行贈馬衢州時馬在建舉別業

山上風花山下飛花飛欲盡山翁歸歸來亦自忘行跡
但覺滿地紅依依餘花更惜隨春去溪上遊人山下路
戀家漁父斷來蹤難老劉郎記前度花開花落春風前
我昔與翁同少年祇今鶴去但華表何處烏啼悲杜鵑
遊人自遊春自暮從翁問花花不語且當向花日日醉
醉倒花前學花舞

吾丘衍

古采蓮

濕風吹花生冷香
馮夷為舞冰絲裳
霏霏粉金飄晚塘
浮蘭舟鼓桂楫歌
采蓮為君發遲遲
歸來弄明月

洛城曉

洛城曉氣浮春空
花風漾暖香濛濛
油車碧鈿金騶裊
染露蹴煙移海紅
回廊複宮洞房隔
夢入瑤臺買春色
疊柳蛾眉蜀帳昏
謾識銅駝錦香陌
鸞悲鏡舞秋茫茫

簾移日光春晝長
春晝長恨春草胡蝶飛來鬢先老

龔璠

楚雲湘水圖歌謝張師夔教授

離騷之國幾千里十幅蒲帆順風駛
順風猶須兩月程
伊誰移來墮書几
張君墨妙遊戲爾
亂峰因君接天起
蒼然古木摧不死
君應曾隱茅屋底
得非是間種蘭芷
慘澹經營那及此
松連閣上聽秋聲
讀書眼花字如蟻
玉立長身挾童子
披圖置我平生喜
憶昔詩家愛許渾

凌歊荒臺尋舊址云何姑孰大江邊望湘潭雲尺有咫
我今識君意總為詩料理雲兮楚之雲水兮湘之水迴
雁夕陽銜一葦山高見衡岳江遠會南紀君兮君兮可
奈何我詩敢劇屈賈壘

黃庚

古意

庭前有高樹風撓無停枝寒鳥噤不鳴夜半環樹飛託
身未得所三帟情依依高飛犯霜露低飛觸茅茨乾坤

豈不容振羽將安之徘徊戀明月顧影徒傷悲

醉時歌

茫茫古堪輿何日分九州九州封域如許大僅能著我
胸中愁澆愁須是如澆酒麴波釀盡銀河流貯以倒海
千頃黃金壘酌以傾江萬斛玻瓈舟天為青羅幕月為
白玉鈎月邊天孫織雲錦製成五色蒙茸裘披裘把酒
踏月窟長揖北斗相勸酬一飲一千石一醉三千秋高
卧五城十二樓剛風冽冽吹酒醒起來披髮騎赤虬大

呼洪崖拉浮丘飛上崑崙山頂頭下視塵寰一培塿揮
斤八極逍遙遊

尹廷高

車中作古樂府

車歷轆車歷轆驢牛逐逐雙轉轂可憐喘汗更鞭扑行
到深更鞭轉速老夫平生苦暈眩兩手扶頭身蹙縮停
車少憩日又出束括營炊道傍屋牛疲馬跛筋力絕世
上利名心未足前車未去後車續車歷轆車歷轆老夫

柳下眠正熟鈴丁當鈴丁當大車小車擺作行問渠捆
載有何物云是官滿非經商蟠螭金函五色毯鈿螺椅
子象牙牀美人嬌嬌如海棠面簾半染塵土黃迎門軟
脚開親舊提擎酪甕封肥羊人生富貴歸故鄉鈴丁當
鈴丁當老夫北行書滿箱

張可久

君山行

蜀江湘流合千里中有蒼崖壓秋水仙人金冠坐鐵船

反披紫裘初醉起小龍二女相從遊眉山低壓青黛羞
寄書不通雙淚流三十六宮明月秋花邊閒袖玉堂手
老來頓覺嫦娥醜岳陽樓下喚開門神仙幾年曾醉否
扶雲老鶴去不還青青一點天涯山

趙文

婕妤怨

團團一片冰出自蠶女紅何言入君手動搖生清風一
朝棄篋笥零落如秋蓬時節自當爾君子詎無終

瓊花上天歌

朔風吹沙堆浪白二十四橋沈冷月顛風夜半撼蕪城
雪萼瓊絲破空碧金餅歲歲獻君王玉罌汎酒蓮花香
明光殿暗沙漠遠人自無情花斷腸落蕊飛天識天路
何如拔樹飛昇去唐昌游女再歸來城中只賣瓊花露
江南俘客吟如叫想像裁辭不成調天宮夜半按霓裳
玉女擎花紫皇笑

上之回

動皇輿回中道龍為驅虎為導樂蕃釐祠雍后息甘棠
飫天酒澹穆清冰熱惱曰夷服咸稽首臣三祝皇萬壽
公無渡河

河之水深復深舟以濟猶難謔被髮之叟狂不可箴豈
無一壺水力難任與公同匡牀恨不挽公襟辭流而渡
直下千尋我泣眼為枯我哭聲為瘖投身以從公豈不
畏胥沈同歸尚可忍獨生亦難禁公死狂妄死心蛟龍
食骨有時盡惟有妾心無古今河之水深復深

團扇歌

私衣必見污葛屨必遭踐生世不為男託身況微賤悲
痛只在心憔悴更障面出入懷袖中羨郎白團扇

王義山

古意二首

少年紅顏女敷粉對芳樹盈盈澹艷妝清歌雜妙舞凝
睇倚高樓桐絲試一譜世間知音稀誰識嬌節素清貞
守幽閨不作凡子婦容華委西山良人兮何暮空牀思

悠悠明月正當戶

東籬采秋菊秋菊清且香采之欲寄誰聊以寓感傷感
傷何所思故人天一方故人日以遠思君豈能忘瞻望
兮弗及西山傾夕陽黃昏人倚樓一聲笛何長

毛直方

江南曲

津頭聞別語三載以為期安得中山酒醒日是歸時
沽酒酌江神發船相送餞船去浪如席船回風似箭

妾薄命

妾肌如玉顏如花長眉窈窕青山斜深閨學成新婦禮
鏡鸞不與留年華昨朝東鄰裁嫁衣今朝西鄰催結褵
自憐孤燈照春夢年年風雨梨花時不怨父母貧不恨
蹇修拙妾生賦命自坎壈底用閒情寫紅葉千絲萬絲
霜練光與誰織作雲錦裳千針萬針兩黼黻與誰佩服
朝明堂吁嗟妾薄命薄命可奈何失時還自羞失身羞
更多妾寧失時無失身平生分定月下繩但把貞心守

貞色肯信嬋娟解誤人

漁父詞

呼兒買米得新粳
漁村且喜見秋成
今朝嘗新莫草草
好釣鱸魚來煮羹

黃旗網運牛馬走
皁衣追呼雞狗喧
深傍蘆花搖櫓去
遙望漁人是水仙

彭九萬

淩波詞賦水仙花

歲芳兮婉冉悲江空兮蘭枻歸人嬋娟兮何來遲憺風
魂兮佩誰思素衣兮儼黃裏玉襦兮明翠被明波淅淅
兮渺愁予含香懷春兮中心苦昔遺襟兮今契闊佇佳
期兮宵修絕幻塵緣兮蹇中憂時既晏兮不可留汎雲
輶兮水裔紉予瑟兮難理人奚歸兮路蒼茫湘有臯兮
春綠起

陳孚

長歌出門別親友

停君漢水浮鴨之翠杓聽我嶧山棲鷺之綠桐男兒拂
衣出門去龍泉三尺光如虹君不見礪溪鶴髮釣魚者
偶擲漁竿來牧野白旄麾開炮烙烟桓圭朱芾侯青社
又不見南陽卧龍人不識一朝佐漢坐狼石羽扇輕搖
蛇鳥驚火精焰焰天西極旗亭四月柳如藍紫騮嘶風
黃金驂豈無叩牛歌亦有捫蝨談天生巉巖萃律骨蒿
萊槁死誰能甘我欲登泰山扶筇款天關東溟若木如
可攀手弄日月青雲間我欲渡黃河赤脚凌秋波水仙

樓閣銀差我徑叱海若笞蛟鼉停君翠杓聽我綠桐真
人開天六合同風騶虞鳳凰飛舞鎬宮有線五色獻于
重瞳補舜衣裳山龍華蟲虎豹九關兮不可以達吾則
脫冠歸來兮丹丘之青峯長揖二三子目送西征鴻

吳宮子夜歌

紫貝樓闕鬱金香暖雲七十紅鴛鴦玉蟬笑擁霞綃裳
星河不墮宮漏長綠樽灩灩麟髓泣露重花寒秋不濕
飲歌一聲驚怒濤海鯨夾陛如人立誰知淺顰蛾半埽

中有疎螢滿秋沼越兵曉踏西風來碧波一夜芙蓉老
黃河謠

長淮綠如苔飛下桐柏山黃河忽西來亂瀉長淮間馮
夷鼓狂浪崢嶸雪崖墮驚起無支祁腥涎沃鐵鑠兩雄
鬪不死大聲吼乾坤震撼山岳骨磨蕩日月魂黃河無
停時淮流亦不息東風吹海波萬里湧秋色秋色不可
埽青煙缺蘆花白鳥亦四五長鳴下汀沙黃靈奠四瀆
各剖盤古髓千載古今流神理胡乃爾漁翁一鬢霜扁

舟依古樹隔浦欲叩之翩然淩波去

燕子樓歌

長相思久別離東風不暖殘燕支乳鴉困柔鸞悲櫻桃
泣紅膩蘼蕪凋綠滋牙牀琥珀枕夢君君不知

長相思久別離珠樓無人但有月翠屏寒銀燭歇芙蓉
為誰憐丁香空自結淚滴錦襜褕十年化為血

陽羅堡歌

陽羅殘堡高巔屹亂山勢如秋蛇蟠長山西來五千里

雪濤怒濺秋風寒憶昔王師駐江上旌旗百萬騰龍鸞
江神俯首不敢喘鏡光浮碧無驚湍乾坤一統自此始
坐見北極朝衣冠我來蘄黃望夏口彷彿但認煙波竿
漁歌數聲起何處白鳥飛盡青天寬鰾公盈尺不論價
倏然一笑生清歡興亡往事誰復問磯頭石老蒼苔乾
津鼓急催渡江去又見曉日浮晴巒

黃鶴樓歌

業業乎黃鶴之樓兮突起乎天之東南吾不知其幾百

尺兮踞石磴而仰望眩金碧之耿耿手捫星漢如可近
但見天飈吹髮寒髮髮瞿唐三峽之波濤洶湧訇擊而
下兮雷聲怒撼于江潭忽繞城以北滙淨若萬頃之青
藍楚山數點鸞騰蛟躍兮碧影倒浸乎煙嵐殘霞侶落
未落兮蒲獵獵以風偃柳裊裊以露含武昌亭臺一十
萬瓦光參差浮梗楠下視十二之衢兮袪服士女東西
行者藐蠕蠕之吳蠶黃鶴之仙人霓冠青瑤簪御絳旌
于列缺倒景兮偶見我以大笑欲駐我之征驂攀東溟

之博羅曜折西極之優鉢曇飲我以蒲萄鴨頭之綠兮
侑以洞庭之蒼柑洞庭帝子鼓軒轅之瑟兮舞干戚而
撞宮角白也挾赤鯨以旁睨崔顥惓縮而不敢以談浩
浩乎萬丈之氣兮長虹橫空天矯而方酣下蟠黃之輿
上幹元之堪安得挽招搖以酌元氣兮妙太極而函三
慨彼在昔如焚如惓陶司馬之狂悖庾大令之貪恠鸚
鵡之洲何罪而戮赤壁之磯何功而戮吾豈若二三子
斲崑崙之璞兮輕蹈夫大阿之鐔飛來兮黃鶴跨汝從

分彭聃

楊壽

聽琴歌

十八年少誰家女
綽約容儀衣楚楚
秋波潋灩映春山
暫駐空刀裁白紵
輕移蓮步出重幃
玉纖閒理焦桐絲
琳琅婺女不足數
前身疑是蔡文姬
一鼓天風生再鼓
山月明蒼龍夜啼
老蛟泣孤鸞別鶴
不敢鳴一絃宮牛
鳴古盎應黃鍾二
絃商梧桐葉落敲
銀牀三絃角野猿

暮嘯巖花落四絃徵百轉黃鸝綠陰裏五絃羽洞庭蕭
蕭落寒雨大宮小宮錯雜彈一堂魚水情交歡我聞此
聲重太息歷代聖賢能作述杏壇千古有遺音何須更
聽湘妃瑟

鮮于樞

湖上曲

湖邊蕩槳誰家女綠慘紅愁問無語低回忍淚並人船
貪得纏頭強歌舞玉壺美酒不消憂魚腹熊蹯棄如土

陽臺夢短息息去鴛鴦鎖生寒愁日暮安得義士擲千金
坐令桑濮歌行露

蛟龍行

古劍咸陽墓中得挾開青天見白日蛟龍池底氣如虹
土花千年不敢蝕洪爐烈燄初騰精橫海已覺無長鯨
世上元無倚天手匣中誰解不平鳴割城恨不逢相如
佐酒恨不逢朱虛尚方未入朱雲請盟盤合與毛生俱
誰念田文座中客只將彈鋏歎無魚

陳澤雲

天台高贈陳剛中先生

天台高萬八千丈，凌雲霄，老仙摩空補文彩。
五雲落地風飄飄，昔年控翮清虛府。
七寶丸成費斤斧，天風吹下文錦章。
萬斛明珠寸心吐，龍蛇影動麒麟飛。
指揮霹靂平南夷，一聲笑落銅柱外。
版圖收拾山河歸，歸來重上交州集。
玉堂視草天香濕，金鑾夜靜奎壁開。
但見學海文林啟，春蟄天台高。
日月長，大丈夫兮歸故鄉，錦衣別。

駕開南荒滿城桃李吹春香只恐簞簞擁不住紫泥催
上中書堂貂蟬冠袞繡裳一時禮樂千年光

戴天錫

天馬圖歌

月支天馬難再得誰向君家貌真蹟駿毛皎潔骨月勻
駉駉驊騮敢同色當時超逸真絕倫矯如玉龍下天門
朝馳峻坂飛匹練暮浴深淵浮赤雲四蹄飽踏咸陽月
滿身猶帶燕山雪只恐元霧閔神姿未許清塵汙汗血

飄然却立精神聚想見落筆驚風雨他年開匣君勿驚
照室神光夜飛去

于石

續金銅仙人辭漢歌

并序

魏明帝遣宮官西取長安漢武帝承露盤置洛陽
仙人臨載乃潸然泣下俄而盤折銅人重遂不能
致唐李長吉賦金銅仙人辭漢歌辭未能達意因
作後歌以廣之

漢皇銳意求神仙神仙之效何茫然蓬萊弱水不可到
且立宮中承露盤飢餐玉屑不堪飽誰謂有方能却老
人生修短數在天多慾未必能延年秋風吹老茂陵樹
年年空滴金莖露建章宮闕隨煙塵塊然屹立惟銅人
宮官西來果何意一朝辭漢將歸魏吁嗟銅人如有知
口不能言惟淚垂自從曹氏盜神器父子相傳已三世
漢宮故物無一存汝獨猶能感舊恩淒然照影臨渭水
一折銅人扶不起寧為棄物委道傍不忍漂泊離故鄉

迢迢東望洛城路回首長安愁日暮長安繁華非昔時
洛陽寥落誰復悲漢魏興亡何日了長見銅人卧秋草

御選元詩卷二

謹案卷一第十頁後三行部曲候迎刊本迎訛遠
據元四家詩改

第十三頁後二行舜錫阜存刊本阜訛旱據史記
秦世家改

第十四頁前二行感彼霜露刊本霜訛雲據別本
元詩改


卷二第十五頁前二行畫欄桂子空秋香刊本欄
訛蘭據秋宜集改

第二十頁前一行蜻蜒忽來伺具隙按戴表元刻

源集隙作怠與此異

謹案卷二第三頁前七行巴圖舊作拔都今改後
仿此





總校官庶吉士臣侍朝

校對官檢討臣蕭九成

謄錄監生臣劉天蒼